



Dirección Xeral de Educación, Formación Profesional e Innovación Educativa

Proba de bacharelato

Exercicio	1º, de materias comúns
Parte	1
Exame de	Lingua galega e literatura (I e II)

1º apelido	
2º apelido	
Nome	
Idade	
Data nacemento	
Provincia	
Localidade	
Lugar do exame	
Data	



1. Formato da proba

Formato

- A proba consta de 7 preguntas.
- A puntuación de cada pregunta aparece a carón de cada unha delas.

Duración

- Este exercicio terá unha duración máxima de 1 hora e 30 minutos.

2. Corrección lingüística

Na avaliación terase en conta a corrección lingüística no exame. Descontarase por erros até un máximo de 2 puntos sobre a cualificación global, segundo a seguinte clasificación:

- Solucións que son alleas ao sistema lingüístico do galego, como tempos compostos, mala colocación do pronome persoal átono, etc.: descontarase 0,2 puntos por cada un.
- Solucións ortográficas contrarias á norma lingüística (b/v, h, y, etc.) e acentuación diacrítica: descontarase 0,1 puntos por cada un.
- Solucións galegas alleas ao estándar vixente e acentuación non diacrítica: descontarase 0,05 puntos por cada un.



3. Exercicio

Texto

Irmaus

Camiñan ao meu rente moitos homes.
Non os coñezo. Sonme estranos.
Pero ti, que tealcontras alá lonxe
máis alá dos desertos e dos lagos,
máis alá das sabanas e das illas,
coma un irmau che falo.
Si é túa a miña noite,
si choran os meus ollos o teu pranto,
si os nosos berros son iguais,
coma un irmau che falo.
Anque as nosas palabras sean distintas,
e ti negro e eu branco,
si temos semellantes as feridas,
coma un irmau che falo.
Por enriba de tódalas fronteiras,
por enriba de muros e valados,
si os nosos soños son iguais,
coma un irmau che falo.
Común temos a patria,
común a loita, ambos.
A miña mau che dou,
coma un irmau che falo.

Celso Emilio Ferreiro, *Longa noite de pedra*.

1. Indique cal é o tema do texto e resuma o seu contido (valoración: 1 punto).
2. Explique o significado que teñen no texto as seguintes palabras e expresións: *ao meu rente*, *sabanas*, *pranto*, *valados* e *loita*. Evite empregar unicamente sinónimos (valoración: 1 punto).
3. Este poema de Celso E. Ferreiro publicouse hai cincuenta anos. Cre que a súa reivindicación ten vixencia na actualidade? Redacte un texto, nunha extensión aproximada de 200-250 palabras, onde exprese a súa opinión sobre esta cuestión (valoración: 3 puntos).
4. Localice as formas do pronome persoal átono presentes no texto e indique a súa función sintáctica. Non é preciso sinalar e analizar máis dunha vez as formas que se repiten en idéntico contexto (valoración: 1 punto).
5. No texto hai palabras que non se corresponden coas propostas para a lingua estándar. Sinala cinco desas formas e escriba a estándar equivalente a cada unha delas (valoración: 1 punto).
6. Desenvolva un dos seguintes temas nunha extensión aproximada de 200-250 palabras (valoración: 1 punto).
 - A lingua galega no Rexurdimento: características lingüísticas fundamentais. Contexto histórico e situación sociolingüística.
 - As funcións sociais da lingua. Conflito e diglosia. Estereotipos e prexuízos lingüísticos: a súa repercusión nos usos.
7. Desenvolva un dos seguintes temas nunha extensión aproximada de 400 palabras (valoración: 2 puntos).
 - A literatura nos Séculos Escuros e na Ilustración: literatura popular e culta.
 - A poesía de vangarda. Características, autores e obras representativas.